



Eich cyf/Your ref P-06-1362  
Ein cyf/Our ref MA/JMSS/00591/23

Jack Sargeant AS  
Cadeirydd - y Pwyllgor Deisebau  
Senedd Cymru  
Bae Caerdydd  
Caerdydd  
CF99 1SN

09 Medi 2023

Annwyl Jack,

Diolch am eich gohebiaeth dyddiedig 11 Medi, ynghylch deiseb Madeline Hallam yn gofyn i Lywodraeth Cymru ddarparu cefnogaeth sy'n cyfateb i'r Cynnig Gofal Plant newydd yn Lloegr o 15 awr i blant 2 oed o fis Ebrill 2024.

Rydym yn cydnabod y pwysau mae llawer o deuluoedd yn eu hwynebu ar hyn o bryd gyda chostau cynyddol gofal plant, yn enwedig yn yr argyfwng costau byw presennol. Fel y byddwch yn gwybod o'm hymateb i'ch gohebiaeth flaenorol ynglŷn â'r ddeiseb debyg iawn gan Jade Richards (P-06-1359), rydym ar hyn o bryd yn darparu cymorth ar gyfer costau gofal plant o dan y Cynnig Gofal Plant a'r rhaglen Dechrau'n Deg. Drwy ddatblygu'r ehangiad hwn o dan y rhaglen Dechrau'n Deg, byddwn yn sicrhau bod gan bob rhiant i blant 2 oed fynediad at ofal plant wedi'i ariannu, nid y rhieni hynny sy'n gweithio neu mewn addysg a hyfforddiant yn unig fel sy'n digwydd gyda'r Cynnig Gofal Plant.

Mae Cam 1 y rhaglen Dechrau'n Deg eisoes wedi helpu tua 2,500 o blant ychwanegol (0-4 oed) â gofal plant rhan-amser, o ansawdd da ac sydd wedi'i ariannu ar gyfer plant 2 oed; cefnogaeth i rieni; gwell cymorth gan ymwelwyr ieuchyd; a chymorth ar gyfer lleferydd, iaith a chyfathrebu. Mae eisoes wedi gwneud gwahaniaeth go iawn i fywydau plant yn rhai o gymunedau mwyaf difreintiedig Cymru.

Bydd Cam 2 o'r rhaglen ehangu yn parhau i sicrhau cynnydd mewn perthynas â'n hymrwymiad i "fynd ati'n raddol i ehangu'r ddarpariaeth ar gyfer y blynyddoedd cynnar er mwyn cynnwys pob plentyn dwy flwydd oed, gan roi pwyslais penodol ar gryfhau'r ddarpariaeth Gymraeg", fel y nodir yn y Cytundeb Cydweithio rhwng Llywodraeth Cymru a Phlaid Cymru. Rydym yn buddsoddi £46 miliwn yng Ngham 2 o'r gwaith i ehangu Dechrau'n Deg yn 2023-24 a 2024-25. Bydd hyn yn cefnogi dros 9,500 yn rhagor o blant dwy flwydd oed i gael gofal plant o safon drwy Dechrau'n Deg yn ystod Cam 2. Dechreuodd y gwaith o gyflwyno Cam 2 ym mis Ebrill 2023, ond mae'n cymryd amser i gynyddu'r capasiti o fewn y sector.

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Julie.Morgan@llyw.cymru](mailto:Gohebiaeth.Julie.Morgan@llyw.cymru)  
[Correspondence.Julie.Morgan@gov.wales](mailto:Correspondence.Julie.Morgan@gov.wales)


Rydym yn croesawu derbyn gohebiaeth yn y Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

Byddwch hefyd yn ymwybodol ein bod wedi ehangu'r Cynnig Gofal Plant ym mis Medi 2022 i gefnogi rhieni sydd mewn addysg neu hyfforddiant ac rydym yn parhau i adolygu'r Cynnig i sicrhau ei fod yn deg ac yn gyfartal i gynifer o deuluoedd â phosibl ledled Cymru.

Yn anffodus, fel y gwyddoch, oherwydd y pwysau ariannol sylweddol rydym yn ei wynebu ar hyn o bryd, nid ydym mewn sefyllfa i gadarnhau unrhyw ddatblygiadau ariannol newydd i helpu gyda chostau gofal plant.

Yn gywir,

A handwritten signature in black ink that reads "Julie Morgan". The signature is written in a cursive, flowing style.

**Julie Morgan AS/MS**

Y Dirprwy Weinidog Gwasanaethau Cymdeithasol  
Deputy Minister for Social Services